

Lozcwngz Haiguh “Soengq Heiq Roengzmbanj” Cunzyienj

罗城开展“送戏下乡”巡演

3 nyied 3 hauh, Lozcwngz Mulajcuz Swciyen Denhhoz Cin ndaw vwnzva fuzvu cungsing sing go haprwenz. Aen yienh neix bi 2016 “byaij haeuj gihcwngz • ciengqyiengj seizcin” vwnzyi roengzmbanj cunzdaug yienjok hozdung cingqsik hainduj. Daj 3 nyied 3 hauh hainduj, aen yienh cujciz yienh yisuzdonz、yanghcin seizhoengq doihyienjheiq, bae daengz daengx yienh 11 aen yanghcin haiguh soengq heiq roengzmbanj cunzyienj hozdung.

(Vuz Danhhoz/吴丹河)

► Doihyienjheiq hwnjdaiz biuivienj.



▲Foux ndaej caen gyauendei.

Mungzsanh Yen Banh Fouxgvangj-cangz Doxdax Angqhoh “Sam Bet”

蒙山县举行庆“三八”广场舞比赛

3 nyied 6 hauh, Mungzsanh Yen banh “gyaez gvangj-cangz • fouxdoengh fanh leix hengz” fouxdoengh seizdaih gilozbu Guengjsae Mungzsanh fwnhbu laebbaenz yizsi nem Mungzsanh Yen bi 2016 “sam bet” fouxgvangj-cangz doxdax. 20 lai aen doihlienhdang mehmbwk 1000 lai boux duiyenz daj Mungzsanh、Yangzsoz、Ginhxiu daengj yienh daeuj haenx daenj buhvaq ngoenzciyet ronghsag gyaeuget, yungh gij yaem’wenq doenghgamj caeuq yienghfoux gyaeundeiz gyoengqde, foux ok gij yienghsiengq cingsaenz seizdaih moq mehmbwk ndangcangq gyaeundeiz, angqhoh “sam bet” ciet mehmbwk gozci.

(Gvanh Sinh/关新)

Lungzswng: Daegsaek Lijyouz Cin’iq Yienh Yienghmoq

龙胜：特色旅游小镇展新颜

Lungzswng Gak Cuz Swciyen Lungzeiz Cin dwg Gveilinz Si buek daih’it yienghmoq cwngzcinva aen yanghcin guhyienh ndawde aen he, ciuq “gozci lijyouz daegsaek cin’iq” biucinj guh gveihva hwnjguh, yungzhab le Myauz、Yauz、Dung、Cuengh daengj saujsu minzcuz gencuz funggek, daj bi 2015 guhbaenz caemhcai q hai gai daeuj, daihgingz minzcuz gofoux caengingj yienjok、diuz gai doxgaiq lijyouz daegsaek daengj guh ndaej ngoenz beiz ngoenz fungfouq, yinx ndaej haujlai ndaw guek rog guek hekyouz daeuj youzcet ngonzyawj, mizyauq daiqdoengh le dangdieg hong lijyouz hwnghat.

(Banh Cisiengz/潘志祥 Cinz Yenyen/陈燕燕)



▲Yienghmoq aen cin gak ndeu.

Yungzsuij:

“Gyaranz Lwgnyez” Hawj Lwgnyez Mbanjmyauz Angqyangz

融水：“儿童家园”乐苗娃



▲ Lwgnyez Mbanjmyauz youq “gyaranz lwgnyez” yawj saw.

3 nyied 6 hauh, Yungzsuij Myauzcuz Swciyen Yanghfwnj Yangh Yanghfwnj Cunh, geij boux lwgnyez Mbanjmyauz cingq youq ndaw “gyaranz lwgnyez” yawj saw.

Gaenh geij bi neix daeuj, aen yienh neix fulenz aeu gvansim lwgnyez louz mbanj guh diemjcabhaeuj, cujciz dangjiyenz ganbu youq siujyoz dieggvae diegbya laeb “gyaranz lwgnyez”, hawj lwgnyez louz mbanj miz aen “ranz” raeuj he. Seizneix, gaenq laebbaenz “gyaranz lwgnyez” 70 lai aen boiq miz laerod、saw、dennauj nem diyzuz doxgaiq, baenz le aen gyaranz cingsaenz lwgnyez louz mbanj cangqheiq、angqyangz majhung he.

(Lungz Linzci/龙林智)